

## O mia bela madunina

A disen la cansun la nass a Napuli  
e certament g'han minga tutt i tort  
Surriento, Margellina tutt i popoli  
l'avran cantà almen un miliun de volt  
mi speri che s'offendera nissun  
se parlom un cicinin anca de num.  
O mia bela Madunina che te brillet de lontan  
tuta d'ora e piscinina, ti te dominet Milan  
sota a ti se viv la vita se sta mai cui man in  
man  
canten tucc "lontan de Napuli se mor"  
ma po' vegnen chi a Milan.  
Adess ghè la cansun de Roma magica  
de Nina er Cupolone e Rugantin  
se sbaten in del Tever, roba tragica  
esageren, me par, un cicinin  
Sperem che vegna minga la mania  
de metes a cantà "Melano mia".  
O mia bela Madunina che te brillet de lontan  
tuta d'ora e piscinina, ti te dominet Milan  
sota a ti se viv la vita se sta mai cui man in  
man  
canten tucc "lontan de Napuli se mor"  
ma po' vegnen chi a Milan.  
Si vegnì senza paura  
num ve songaremm la man  
tutt el monda l'è paes e semm d'accord  
ma Milan, l'è un gran Milan!

## Porta Romana

Porta Romana bella, porta Romana,  
ci stan le ragazzine che te la danno,  
ci stan le ragazzine che te la danno:  
prima la buonasera e poi la mano.

"E gettami giù la giacca ed il coltello  
che voglio vendicare il mio fratello,  
e voglio vendicare il mio fratello,  
e gettami giù la giacca ed il coltello.

La via a San Vittore l'è tuta sasi,  
l'ho fatta l'altra sera a pugni e schiaffi,  
l'ho fatta l'altra sera a pugni e schiaffi.  
la via a San Vittore l'è tuta sasi.

La via Filangeri l'è un gran serraglio,  
la bestia più feroce l'è 'l commissario,  
la bestia più feroce l'è 'l commissario,  
la via Filangeri l'è un gran serraglio.

In via Filangeri ghé una campana:  
'gni volta che la sona l'è 'na cundana,  
'gni volta che la sona l'è 'na cundana,  
in via Filangeri ghé una campana.

Prima faceva il ladro e poi la spia,  
e adesso è delegato di Polizia,  
e adesso è delegato di Polizia,  
prima faceva il ladro e poi la spia.

O luna che rischiari le quattro mura  
rischiara la mia cella ch'è tanto scura,  
rischiara la mia cella ch'è tetra e nera:  
la gioventù più bella morì in galera.

O luna, luna, luna che fai la spia  
bacia la donna d'altri, ma non la mia.  
Amore, amore, amore, amore un corno,  
di giorno mangio e bevo, di notte dormo.

Ci sono tre parole in fondo al cuore:  
la gioventù, la mamma ed il primo amore.  
La gioventù la passa, la mamma muore  
e restet cume un pirla col primo amore."

Porta Romana bella, porta Romana,  
ci stan le ragazzine che te la danno,  
ci stan le ragazzine che te la danno:  
prima la buonasera e poi la mano...

## Pepè e papoose

El primm pontell, me ricordi l'è sta bell:  
dent in dei specc, che bel gioinott,

ma porco can, g'ho sii i scarp rott...

Me sont fa dà i papoos del mè papà,  
poeu sont andà tegnendo il fià.

Lee coi pepè, lee coi pepè, mi coi papoos ...

Lee la parlava e intanta mi s'eri tutt ros ...

Lee l'era bella e ghe guardaven i gagà,

mì me vedevi e me sentivi sprofondà...

A on bel moment lee la me fa: "Com' hinn  
odios!

te guarden tucc, te seet perchè: hinn  
invidios!"

L'è sta inscì che semm diventaa moros:

lee coi pepè, lee coi pepè, mi coi papoos!

Hoo risparmiiaa: che pepè me sont compraa!  
Corri al pontell battendo i tacch,  
cont la vernis che fa cric crac...  
la 'riva lee cont dù pee ch'hinn gross 'me lee:  
cont dù taccon tucc de buscion!  
Mì coi pepè, mì coi pepè, le coi papoos...  
Lee la parlava e intanta mi vedevi roos:  
strasc d'ona vòlta che me metti a fà ci gagà,  
la 'riva lee cont do barchett de andà a  
pescà...  
Senza dì nient la casci su su un autobus,  
ma in del vedenn a un vegetin ghe vegn la  
tos:  
"Eh eh eh! Com'hinn buff 'sti dù moros:  
lù coi pepè, lù coi pepè, lee coi papoos!  
Me son sposaa e m'han riciamà a soldata.  
Sont restaa sòtt quattòrdes mes,  
hoo faa a cazzot cont i franceses...  
El me fiolin l'è nassù che s'eri alpin...  
Quand sont torna se semm guardaa:  
Lù coi pepè, lù coi pepè, mì coi papoos;  
s'eri tutt ros, de contentezza s'eri ros.  
Passavom numm e se fermava tucc i tram,  
me sorrideven òmen, dònn, vecc e tosann  
diseven tucc: "Che bel fiolin, che bel alpin"  
Forse perchè mì s'eri grand, lù piscinin;  
mi so nò, ma passavom orgoglios:  
lù coi pepè, lù coi pepè, mi coi papoos!!!

## El gir del mond

Ohej mì sont partii a fa el gir del mond  
Ma per vedè se l'era rotond  
Per lavoramm trii o quatter sposòtt  
Perchè s'eri stuff de andà al casòtt  
Ecco ch'emm fàa el primm salton  
E semm arrivaa fin in Giappon  
Ohèj lilinscí hinn faa different  
Sòtt ai barbis gh'han denter i dent  
Gh'è'l Gervas cont el Battista  
In Giappon che, fan i dentista

Ohèj giovinòtti andemegh adree  
Se nò gh'è'l mezzo de vegni a cà a pee  
Am abaradàmm  
Ad Addis Abeba gh'han miss i tram  
Gh'han miss i tram con la perteghetta  
E tucc i negher in bicicletta  
Em eberedèmm  
Vendi la vacca e vegni a San Rèmm  
Um umeredúu  
Gh'è in gir la vos che tí te see on cúu  
Mí sont el ras ma de la Bovisa  
E quand la gent la me ved a passà  
Me varden i scarp, i calzon, la camisa  
E disen tucc: a l'è matt de ligà  
Ma lor el san minga che sont travestí  
De dònn la sera de omen del dí  
Controlli i bastion da la Fera a Loretta  
Avarii già capí che sont mí el zero set  
America Russia Cina e Giappon  
Con mí a hinn in ottim relazion  
E i tegni informaa de tutt l'andament  
Da la Trecca a lo scalo de smistament  
E inscí hoo tiraa su on sacch de dònn  
De tucc i paes e trii de Sarònn  
E ci ho una giulietta color pisquano  
Per controllare tutta Milano  
A gh'è la Maria la stiradura  
Che lee per i bigol la va in malura  
Lee i e stira a dùu a dùu  
Prima di sera ne fa trentadu  
E lee come tusa la me piyasaria  
Ma l'è on poo bassa de carruzzeria  
Ohèj come dònn l'è minga mal  
Ma vacca malora la pesa on quintal  
Slonghi la man per toccà la foinera  
Ohèj porco can la trà giò la dentera  
Slonghi la man per avègh on sostegn  
La ghe se disvida la gamba de Iegn  
Però de danee lee n'ha faa on sproposit  
La gh'ha el cul ch'el par on depòsit  
Ghe passa denter la littorina  
El capp stazion con la banderina  
Ohi la bissa la bissa la bissa  
L'è la regina del Parco Ravizza  
La gh'ha trent'ann ne dimostra desdòtt  
L'è la regina de tucc i casòtt  
Lo son Pierino il moccolo e foo el barbee  
E l'hoo imparaa da piccolo sto bel mestee  
Son stato in Abissinia, venivo da Macao  
Per fagh la barba al Negus intorna al bus del  
gnao

La barba a noi non ce la fanno  
Se ce la fanno la pagheranno  
O se on bel dí se incontrarem  
Pistolettaa de la vacca malora se tirarem!

## T'ho compra i calzett de seda

T'ho compra i calzett de seda con la riga nera  
te caminavet insem a mi come una pantera.  
Ti su del basell, mi gio' del basell: se l'era bell!  
Ti senza capel, mi cont el capel, me s'eri bell!  
Caminavom semper insem a. La gent che la  
pasava la ghe' guardava, la se voltava e le diseva:  
"va quel li", el gh'ha compra anca la stola, el dev  
ess on poo on pistola".

Quel pistola seri mi.  
T'ho vist poer, crist incioda' su quater assit  
anca mi me sont vist inciodaa su quater assit,  
compagn de ti anca mi me sont vist inciodaa,  
inciodaa come un pover crist.

Te scareghi ogni sera in piazza Beccaria  
li te mostrett de sott banc la to mercanzia

ti sul marciapèe, mi denter el cafe' di rochetee!  
Ti a fu su i dane, mi a spend i dane coi rochete!  
(parlato) Tuti i volt che semm insem a che on quai  
vun in sul canton che el me varda el me dis: "va  
quel li", el gh'ha la dona che la rola, el dev ess on  
poo on pistola".

Ah? Saria mi el pistola? El pistola te se ti.  
Te lavoret tutti el di'.

Basell = Marciapiede

Rochetee = Protettore di donne di malaffare

Rola = Battere il marciapiede

## El ridicol matrimòni

hèj giovinotti fii ben attenzion  
Ve voeuri cantà ona bella canzón  
De dúu fradèj prèss a Milan  
Vun Battista e l'alter Giovann  
L'ha cominciàa el fradèll pirlòtta  
Che 'l ghe parlava a ona paisanòtta  
De statura puttòst bassa  
L'era larga quatter brazza

L'era bella l'era bònna  
L'era savia 'sta fiolònna  
Del color del latt e vin  
L'era el tesòr del Giovannin

Ma 'l sò fradèll sto cicolàtt  
'L sghignazzava come on matt

A vedè 'l fradèll pirlòtta  
Che 'l ghe parlava a sta paisanòtta

Te vedarèmm ti ohèj remolàss  
Con chi l'è te 'ndarét a sposàss  
Te vedarèmm ti ohèj remolàss  
Con chi l'è te 'ndarét a sposàss

Allora lú pien de pontili  
El butta el capell in del Navili  
El cor de sora in del cassetton  
El tira foeura i pagn del feston

El ciappa el tram che vègn a Milan  
El va a l'albergo di Trii Tulipan  
El va in d'on trani a mangià on boccon  
El ved ona dònnna lì in d'on canton

On poo con furia e on poo con flemma  
L'invida a disnà insemma  
El gh'è stàa insèmma ona giornada  
E poeu a cà se l'è menada

Ohèj fradèll a gh'hoo chi 'l tesòr  
L'è granda e gròssa e la par on tór  
Ohèj fradèll a gh'hoo chi 'l tesòr  
L'è granda e gròssa e la par on tór

Hann combinàa 'sti dúu tripée  
In del stèss dì de toeu miée  
E han invidàa precisament  
Tutta la porta e tucc i parent

Poeu han mangiàa de la gran famm  
Votanta chili de salàmm  
Quaranta gajinn cinquanta capon  
Sett porscèj e vòtt monton

Trii padéj de risòtt giald  
Quatter mastèj de lasàgn cald  
Ses cavagn fra uga e pèr  
E quatter navasc de caffè ner

Poeu han bevúu sti dúu meschin  
A squarciagola brent de vin  
Oh mamma mia sont bon pú de boffà  
Spètti l'ora de 'ndà in létta a cobia

Ma anca lú 'n el vedeva l'ora  
De 'ndà in létta con la soa sciora  
Ma l'era grassa come on boeu  
E de l'uss la passava nò

Fin che rusa e rusa ben  
Han riessí a rusàla dent  
Fin che rusa e rusa ben  
Han riessí a rusàla dent

L'ha cominciàa sto gran donnòn  
A trà foeura la scuffia capell e spinón  
Tra foeura la scuffia a l'inviada  
Ohéj la gh'aveva la crapa pelada

L'ha cominciàa quiet quiet  
A tiragh foeura tutt i fassètt  
E lù 'l vosava Vègn chí o fradèll  
Vedèlla in camisa la par on cammèll

La gh'ha i oeucc fosch fosch  
La gh'ha 'l nas che tira i mosch  
Poeu la gh'ha 'l stòmègh che 'l par on teccètt  
Che per impienill ghe voeur el boffètt

La gh'ha i gamb ch'inn dúu giambon  
Sui dít ghe cress i erbion  
Per de pù la gh'ha i pee piatt  
La gh'ha la pell come quella d'on sciàtt

Ohèj mi credevi menà a cà on barcon  
Vedèla in camisa l'è nanca 'l timon  
Oh giovinòtti tornèe indrée  
Se gh'ii voeuja de toeu mièe

Poeu damm a trà a mi fii 'na ròba precisa  
Vardégh ben quand l'è in camisa  
Poeu damm a tra a mi fii 'na ròba precisa  
Vardégh ben quand l'è in camisa

Pan pòss pan fresch  
Indovina che l'è quest  
Pan pòss pan fresch  
Indovina che l'è quest